

madraruru

tumanesu madraruru kíkima musu? urugu musu tumarasu si
langidraruru musu? urugu musu skadraruru ka ika tékadra? iku skadrarurusu
si ku skadraruruli matumé? ina skadraruru ka uduru pavlavla padrudruru?

ina skadraruru ka tédra ku ikagranga? makasi iku makicicingénga
nuduruma musu ngilrigu mtakidringénga irigudria. madraruru ka tumé na
avé lulwepi, ina mtalekni kdridrimisu, iké na klakicira tumé na
klatingitingisa putisukuro. madraruru ka tumé na rina cilé miling. gia
morudru, ikikésua pitibula.

skadraruru ka akina cngredra mrapa si liké angatu adringi kupolrilri,
skadraruru ka udali si lathakebe, skadraruru ka klakicira mtaleke si ladidivi
mrapa. skadraruru ka kurukuru si ladrurapese avé. skadraruru ka ikédra
lrima kopu madreladra na acilé. skadraruru ka amani ku timacadra ki nina
maragi sikilevake.

skadraruru ka amani na mkecingta mra, si mrabrabri ku kdridrimita
apersisi ngébé ku syoéngé. skadraruru ka akina klatingisa ku brobwaneta
duduku si klabicinga kékenane madro bwimitya mangzu ku sékacu.
skadraruru ka tumé na sududuka iké gari éthakepu. skadraruru ka amani ku
paticuragi bwetita. skadraruru amani ku klatingingisa na simisimidra

pidirepepe makasyerengenga. skadraruru ka amani ku sessa na kopu acilé,
pongulumitya ku médru. skadraruru ka amani ku tiblinga gari ku cacingali
iké na masungu pululwepemitia.

skadraruru ka amani ku margi ku liséta sikdridrimiswa. ina tubisu
apresisi, amani ku udrisisi risisu. ina tangingsésu mthaingongo nukémaswa
tapra. ina ikédra adopasu si iduru musu nukumanima pitikecengeswa.

kumidra na avé ulwepe, kumidra bisibisi morenavene udile, kumidra
mlawmpacé, kumidra makakwanga na makakwanga. urugu kiki, skadraruru
ka ikiké mcéli tulucubunga, iduru gia médévélé.

sékoma ka amani sesa na skadraruru, sipaima ka tumé na sesa na
skadraruru, ikidri ka amani ku sesa mangilingili si lakilimeme negene na.
ikédraswa na gerangne ngipsobaka: ikuludru kiki sipaimia, nuvéthama kiki
tulucubunga, ku kungvéthayali. sipai mili, nukémangkwa na gerangne,
icikele ngibé kiki ptaneké, mwa silipe ku skadraruruli.

(文章大意 僅供參考) ※字數限 200 字

幸福

幸福是無處不在，像陽光一般，讓心靈在寒冷的冬天也像春天一樣溫暖。像是輕輕流過的溪水，讓情感永遠保持純淨！幸福是春天的播種，秋天的收穫，給予我們滿足的生活。幸福是綿綿的春雨，滋潤著萬物，也給人帶來絲絲沁涼。幸福是天上明亮的星星，在夜晚照亮著我們。

幸福是好朋友，時時關心著你，真心陪伴，幸福從未走遠。成功是種幸福，失敗也是種幸福，那是種酸楚的甜蜜。失敗了，再爬起來，給自己點一盞燈，去尋找屬於自己的幸福。